

- Ilijaš i Trnovo o sufinansiranju projekta prevencije iz tačke 1. ovog zaključka.
- Za realizaciju ovog zaključka zadužuje se Kantonalna uprava civilne zaštite Kantona Sarajevo i Ministarstvo finansija Kantona Sarajevo, svako u okviru svojih nadležnosti.
 - Ovaj zaključak stupa na snagu danom donošenja i objavit će se u "Službenim novinama Kantona Sarajevo".

Broj 02-04-43471-16/20
06. novembra 2020. godine
Sarajevo

Po ovlaštenju premijera
Ministar
Anis Krivić, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 40. sjednici održanoj 06.11.2020. godine, donijela je

ZAKLJUČAK

- Odobrava se Kantonalnoj upravi civilne zaštite Kantona Sarajevo da sufinansira projekte provođenja preventivnih mjera - projekte prevencije sanacije klizišta na području općina Centar, Novo Sarajevo i Vogošća, u ukupnom iznosu do 470.000,00 KM sa PDV-om, i to:
 - Općini Centar za projekat sanacije klizišta u ulici Hakije Kulenovića u iznosu do 150.000,00 KM sa PDV-om i projekat sanacije klizišta na lokalitetu Klanice - Skakavac u iznosu do 50.000,00 KM sa PDV-om;
 - Općini Novo Sarajevo za projekat sanacije klizišta na lokalitetu K4 - Hum u iznosu do 150.000,00 KM sa PDV-om;
 - Općini Vogošća za projekat sanacije klizišta na lokalitetu Mehtefići u iznosu do 120.000,00 KM sa PDV-om.
- Sredstva iz tačke 1. ovog zaključka osiguravaju se iz Budžeta Kantonalne uprave civilne zaštite Kantona Sarajevo za 2020. godinu, ekonomski kod 615200, subanalitika UAU003 - Saniranje klizišta u Kantonu Sarajevo - namjenska sredstva.
- Odobrava se Kantonalnoj upravi civilne zaštite Kantona Sarajevo, da potpiše sporazum sa općinama Centar, Novo Sarajevo i Vogošća o sufinansiranju projekta prevencije iz tačke 1. ovog zaključka.
- Za realizaciju ovog zaključka zadužuje se Kantonalna uprava civilne zaštite Kantona Sarajevo i Ministarstvo finansija Kantona Sarajevo, svako u okviru svojih nadležnosti.
- Ovaj zaključak stupa na snagu danom donošenja i objavit će se u "Službenim novinama Kantona Sarajevo".

Broj 02-04-43471-15/20
06. novembra 2020. godine
Sarajevo

Po ovlaštenju premijera
Ministar
Anis Krivić, s. r.

Ministarstvo za rad, socijalnu politiku, raseljena lica i izbjeglice Kantona Sarajevo

Na osnovu čl. 66. st. (1) i (2) i 68. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", br. 35/05), čl. 59., 60., 61., 62. i 65. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18), čl. 32. i 34. Zakona o hraniteljstvu u Federaciji Bosne i Hercegovine ("Službene novine Federacije BiH", broj 19/17),

čl. 12., 13. i 170. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), ministrica za rad, socijalnu politiku, raseljena lica i izbjeglice Kantona Sarajevo donosi

INSTRUKCIJU O IZMJENAMA INSTRUKCIJE O IZNOSIMA NOVČANIH DAVANJA PO ZAKONU O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM

Član 1.

(Izmjena člana 1.)

U Instrukciji o iznosima novčanih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 17/20) u članu 1. u stavu (2) tač. a) i c), mijenjaju se i glase:

- Osnov za utvrđivanje novčanih davanja i iznosa po osnovu zaštite civilnih žrtava rata: lična invalidnina, dodatak za njegu i pomoć od strane drugog lica, ortopedski dodatak i porodična invalidnina je Odluka o utvrđivanju osnove za određivanje visine mjesečnih novčanih naknada korisnika boračko-invalidske zaštite u Federaciji Bosne i Hercegovine (invalidnina), za 2020. godinu ("Službene novine Federacije BiH", broj 37/20);
- Osnovica za obračun novčanih davanja i iznosa po osnovu zaštite civilnih žrtava rata: lična invalidnina, dodatak za njegu i pomoć od strane drugog lica, ortopedski dodatak i porodična invalidnina obračunava se u visini od 70% mjesečnih novčanih primanja korisnika boračko-invalidske zaštite u Federaciji Bosne i Hercegovine i iznosi 607,25 KM, a utvrđuje se na sljedeći način:
 - Osnovica za korisnike boračko-invalidske zaštite = 867,50 KM
 - Koeficijent za usklađivanje = 1 (jedan)
 - Osnovica za isplatu mjesečnih novčanih primanja korisnika boračko - invalidske zaštite (867,50 KM X 1 = 867,50 KM) = 867,50 KM
 - Osnovica za korisnike civilnih žrtava rata (867,50 KM X 70% = 607,25 KM) = 607,25 KM."

Član 2.

(Izmjena člana 3.)

Član 3. mijenja se i glasi:

"Član 3.

U skladu sa Instrukcijom Federalnog ministarstva rada i socijalne politike broj 06-37/3- 2195/20-AK od 28.09.2020. godine vrši se isplata novčanih naknada kako slijedi:

1. Lična invalidnina

Lična invalidnina utvrđuje se u mjesečnom iznosu prema grupi oštećenja organizma u visini od 70% od mjesečnog iznosa lične invalidnine vojnog invalida odgovarajuće grupe po propisima iz Zakona o pravima branilaca i članova njihovih porodica, izuzev za lica iz člana 54. stav (3) Federalnog zakona, kako slijedi:

- I grupa CŽR sa 100% oštećenja organizma 607,25 KM
- II grupa CŽR sa 100% oštećenja organizma 443,30 KM
- III grupa CŽR sa 90% oštećenja organizma 333,99 KM
- IV grupa CŽR sa 80% oštećenja organizma 261,12 KM
- V grupa CŽR sa 70% oštećenja organizma 194,32 KM
- VI grupa CŽR sa 60% oštećenja organizma 109,30 KM

Mjesečno lično novčano primanje za lica iz člana 54. stav (3) Federalnog zakona, prema članu 59. stav 2. istog Zakona iznosi 70% od osnovice za isplatu mjesečnih novčanih primanja korisnika boračko - invalidske zaštite, i iznosi 607,25 KM.

2. Dodatak za njegu i pomoć od strane drugog lica

Dodatak za njegu i pomoć od strane drugog lica za civilne žrtve rata od I do IV grupe invalidnosti koji su nesposobni za vršenje osnovnih životnih potreba bez pomoći drugog lica utvrđuje se u mjesečnom iznosu u visini od 70% od mjesečnog iznosa dodatka za njegu i pomoć od strane drugog lica za ratne vojne invalide odgovarajućeg stepena invalidnosti, kako slijedi:

Dodatak za njegu i pomoć I stepena 100% 607,25 KM

Dodatak za njegu i pomoć II stepena 70% 425,08 KM

Dodatak za njegu i pomoć III stepena 50% 303,63 KM

3. Ortopedski dodatak

Ortopedski dodatak utvrđuje se u mjesečnom iznosu u visini od 70% od mjesečnog iznosa ortopedskog dodatka za ratne invalide odgovarajućeg stepena invalidnosti, kako slijedi:

Ortopedski dodatak I stepena 29% 176,11 KM

Ortopedski dodatak II stepena 22% 133,60 KM

Ortopedski dodatak III stepena 17% 103,24 KM

4. Porodična invalidnina

Osnovica za određivanje porodične invalidnine iznosi 70% od osnovice za određivanje porodične invalidnine za porodice šehida, odnosno poginulog borca, kako slijedi:

Za jednog člana porodice 43% (član 65) 261,12 KM

Za dva člana porodice 55% (član 65) 333,99 KM

Za tri člana porodice 60% (član 65) 364,35 KM

Za četiri i više članova porodice 65%

(član 65) 394,72 KM

5. Zdravstvena zaštita po prijavljenom licu 20,00 KM."

Član 3.

(Stupanje na snagu)

Ova instrukcija stupa na snagu narednog dana od dana objavljivanja u "Službenim novinama Kantona Sarajevo".

Broj 13-04/2-11-40525/20

04. novembra 2020. godine

Sarajevo

Ministrica

Jasna Agić, s. r.

Ministarstvo unutrašnjih poslova Kantona Sarajevo

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20) i člana 127. tačka r), a u vezi člana 104. stav (6) Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

O RADU JEDINICE ZA PROFESIONALNE

STANDARDE U UPRAVI POLICIJE MINISTARSTVA

UNUTRAŠNJIH POSLOVA KANTONA SARAJEVO

DIO PRVI - OPĆE ODREDBE

Član 1.

(Predmet)

Ovim pravilnikom uređuje se djelokrug rada Jedinice za profesionalne standarde (u daljnjem tekstu: JPS) Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije), djelokrug rada odjeljenja koja se nalaze u sastavu JPS, način postupanja po predstavkama, način sprovođenja internih postupaka (u daljnjem tekstu:

unutrašnjih istraga) protiv policijskih službenika, dostavljenje inicijative disciplinskom tužiocu za pokretanje disciplinskog postupka, nadležnosti i postupak Odjeljenja za unutrašnju kontrolu u JPS u slučaju postojanja saznanja da je od strane policijskog službenika počinjeno krivično djelo, saradnja sa organizacionim jedinicama i disciplinskim organima Uprave policije i Odborom za žalbe javnosti Skupštine Kantona Sarajevo (u daljnjem tekstu: Odbor), nadležnim tužiocem i drugima, podnošenje prijedloga za suspenziju policijskog službenika, mjere i radnje na praćenju, iniciranju i učešće u donošenju novih i izmjeni i dopuni postojećih zakonskih i podzakonskih akata koje u svom radu primjenjuje Uprava policije i Ministarstvo unutrašnjih poslova Kantona Sarajevo (u daljnjem tekstu: Ministarstvo), praćenje saradnje policije sa zajednicom i koordinacija rada organizacionih jedinica Uprave policije u ovoj oblasti, vršenje unutrašnjeg nadzora i praćenje implementacije propisa u oblasti zaštite tajnih podataka u Upravi policije i Ministarstvu, praćenje, analiziranje i primjena zakonskih propisa koji se odnose na oblast obrade i zaštite ličnih podataka u Upravi policije, izvještavanje, način vođenja evidencija i druga pitanja od značaja za rad JPS.

Član 2.

(Značenje izraza)

Posebni izrazi, u smislu ovog pravilnika, imaju sljedeće značenje:

- unutrašnja istraga je interni postupak u smislu odredbi Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20), (u daljnjem tekstu: Zakon), odnosno postupak koji se sprovodi u slučaju kada se dostavi predstavka, izvještaj, informacija ili se po službenoj dužnosti dođe do saznanja koja ukazuju na osnov sumnje da je policijski službenik počinio povredu službene dužnosti,
- policijski službenici su uposlenici Uprave policije ovlašteni da primjenjuju policijske ovlasti propisane Zakonom i drugim propisima i postupaju kao ovlaštena službena lica po posebnim propisima,
- državni službenici su uposlenici Uprave policije čiji je radno pravni status propisan Zakonom o državnoj službi u Kantonu Sarajevo ("Službene novine Kantona Sarajevo" br. 31/16 i 45/19),
- namještenici su uposlenici Uprave policije čiji je radno pravni status propisan Zakonom o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05),
- nadležni rukovodilac je rukovodni policijski službenik organizacione jedinice, a van redovnog radnog vremena, u dane vikenda i praznika, dežurni rukovodni policijski službenik ili rukovodilac smjene koji je dužan preduzeti određene mjere i radnje propisane odredbama ovog pravilnika,
- načelo znači čvrsto stajalište, gledište od koga se ne odstupa, pravilo ili princip ponašanja,
- standard je svaka propisom utvrđena mjera, mjerilo ili kvalitet, nešto što važi kao uzor, obrazac, što je priznato kao klasično,
- procedura je niz ili skup koraka, aktivnosti ili službeno propisanih radnji za izvršenje nekog službenog posla, odnosno za postizanje određenog rezultata i
- korupcija je direktno ili indirektno zahtijevanje, nudenje, davanje ili prihvatanje mita ili neke druge nedopuštene prednosti ili njenu mogućnost, kojima